

ses exploratores in Terram promissam. Deuter. 1. v. 46. Sedistis multo tempore in Cadès-barne.

Cadumin, Torrens in Cantico Deborah & Barac, post victoriam de Sifara Principe exercitus Regis Jabin habitam. Vid. Cifon.

Cæsarea, Urbs maritima, & in medio totius Judææ littore: olim Turris Stratonis dicta Straboni, Josepho, Plinio. Cæsarea Stratonis Ptolemæo: sed sæpius Cæsarea simpliciter Josepho, Plinio, & aliis: potissimumque in Novo Testamento. Hanc Herodes maximam, & munitissimam reddidit; & metu defectionis Judæorum, genti arcem imposuit; ædificiis ornavit; Templum, Theatrum, Amphitheatrum, Cloacas magnificè extruxit, Portumque Pyrao non minorem adjecit, quem Sebastum, i. Augustum appellavit Joseph. 15. Antiq. & 1. Bell. Act. Apost. 8. v. 40. Philippus inventus est in Azoto, & pertransiens evangelizabat civitatibus cunctis, donec veniret Cæsaream. Act. Apost. 9. v. 30. de Paulo: Quod cum cognovissent fratres, deduxerunt eum (quem Judæi volebant occidere) Cæsaream, & dimiserunt Tarsum. In Cæsarea Cornelius Centurio alique multi à Petro baptizantur, Act. 10. Herodes Agrippa, cum se Deum nominari à populo fineret, ab Angelo percussus interiit, Act. 12. Philippus Diaconus & Evangelista domum habuit, & ipsi erant quatuor filiae virgines prophetantes, Act. 21. Agabus Propheta Paulo carcerem, & vincula prædixit, ibid. Paulusque in Jerusalem à Judæis comprehensus Cæsaream mittitur, & in carcere penè per biennium detinetur, Act. 23. & 24. Cæterum Cæsareæ incolæ plurimam partem Græci fuere, Joseph. 2. c. 23. & 24. Bell. & alibi. Eamque dicit 600. stadiis à Jerusalem, 13. Antiq. c. 19.

Cæsarea Philippi, quæ & Laïs & Dan. V. Dan.

Cain. V. Henoch.

Callirhoë aquis calidis, aliisque celeberrimus locus, quibus Herodes paulò ante mortem usus est, ex non longè à Machærunte sunt, & in lacum Asphaltitem effluunt; sed Lasa, quam ex c. 10. Geneseos putat Adrichomius cum Callirhoë convenire posse, diversissima est, eaque cum Laïs five Dan in Nephthali convenit.

Camon locus dicitur Judic. 10. v. 5. Mortuusque est Jair ac sepultus in loco, cui est vocabulum Camon. Locus est in Manasse 2.

Campestria Deserti, horum mentio est in fuga Davidis, 2. Reg. c. 17. v. 16... & cum Nabuchodonosor Jerusalem obsideret, murumque irrupisset, Sedecias Rex Juda fugit per viam, quæ ducit ad campestria solitudinis: sed à Chaldæis insequutus, & comprehensus in planitie Jericho, adductus est ad Regem Nabuchodonosor.

Campestria Jericho. Planities est inter Jericho & Jordanem, campestribus deserti contigua.

Campus magnus in Galilæa, Judith. 1. v. 8. inhabitantes Galilæam in Campo magno Efdrelon.. & 4. v. 5. Efdrelon, quæ est contra faciem magni Campi juxta Dothain.. & 1. Machab. 5. v. 5. In Campo magno contra faciem Beth-san. 12. v. 49... in Galilæam, & in magnum Campum: dicitur & Campus Mageddo. Extenditur ergo Campus ille magnus per Tribum Manasse, ubi Beth-san & Mageddo; per Tribum Zabulon ubi Dothain, & per Tribum Isachar, quæ inter utramque, & ubi Efdrelon.

Campus Sennaar, penè totius Chaldeæ planities est, ubi Babylonem, aliasque urbes Nemrod condidit.

Campus Maspha, five planities, quousque Josue persecutus est Jabin Regem Asor, & ejus socios Reges, quos devicerat ad Aquas Merom, Josue 11. v. 8. & paulo ante v. 3. inter Reges, populosque, quos devicit Josue, Hevæum quoque, qui habitabat ad radices Hermon, in Terra Maspha.

Latit.
Gr. Scr.

Longit.
Gr. Scr.

32. 37. $\frac{1}{2}$ 67. 6.

32. 37. $\frac{1}{2}$ 66. 22. $\frac{1}{2}$

33. 17. $\frac{1}{2}$ 67. 45.

32. 44. 66. 36.

31. 22. $\frac{1}{2}$ 67. 17.

32. 34. 68. 3.

31. 31. 67. 5.

31. 37. $\frac{1}{2}$ 67. 5.

32. 30. 66. 40.

32. 30. 80. 0.

33. 27. $\frac{1}{2}$ 67. 17. $\frac{1}{2}$